



Unsere Freiwillige Feuerwehr. 1. Reihe sitzend v. l. n. r.: Jakob Schellborn (Gruppenkommandant), Johann Seisl (Ehrenmitglied und langjähriger Kommandant-Stellvertreter), Alois Waldner (Ehrenmitglied und langjähriger Kommandant), Heinrich Ellmerer (derzeit Kommandant), Bürgermeister ÖR. Josef Thaler (Ehrenmitglied), Sebastian Pfisterer (Kommandant-Stellvertreter und Gruppenkommandant), Alois Prosch (Gruppenkommandant).

De Feiawehr

Wia wichtig is de Feiawehr,
iaz kust es glei erfahrn,
gibbs aa ned oft a Feia mehr,
hats ned ihrn Sinn verlorn.

Was is, wenn du in deinem Heim
a Wassa hast im Kella?
De Feiawehr find si glei ei,
valangt da ned oan Hella.

Is gschamig iaz da kloane Bitz,
spart si ins Haisl ei,
de Feiawehr is wia da Blitz,
da gibbs koa langs Geschrei!

Und flüchtet sich da arme Mann
vor seina Gattin Wuat,
er ziacht sei Feiawehrhosn u
und denkt: „Du brummst ma guat!“

Er trinkt nach seina Übungsstund
nu a paar Glasei Wein,
daß er ned glei dahoam ukimmb,
wer wead denn da glei schrein?

Doch mancha hat a braves Weib,
des voia angst und bang
si denkn mag: „Wo bleibba heit?“
Des Wartn is oft lang.